

სახელმწიფო შესყიდვის შესახებ ხელშეკრულება N06/30

ბრალდებულთა და მსჯავდებულთა ეკვივალენტური სამედიცინო მომსახურებით უზრუნველყოფა

26 02 02

გამარტივებული შესყიდვა

ქ. თბილისი

10 ივნისი 2022 წელი

საქართველოს იუსტიციის სამინისტროს მმართველობის სფეროში მოქმედი სახელმწიფო საქვეუწყებო დაწესებულება-სპეციალური პენიტენციური სამსახური(შემდგომში „შესყიდველი“) წარმოდგენილი - ეკონომიკური დეპარამენტის უფროსის - იულია ტყეშელაშვილის სახით და მეორე მხრივ, შპს „ავერსი - ფარმა“ (შემდგომში „მიმწოდებელი“) წარმოდგენილი გენერალური დირექტორის - ირაკლი ფურცელაძის სახით, ორმხრივი შეთანხმების საფუძველზე, „სახელმწიფო შესყიდვების შესახებ“ საქართველოს კანონის მე-10^მ მუხლის მე-3 პუნქტის „ბ“ ქვეპუნქტის, SMP220001657 თანხმობის (№1905 განკარგულება) და 2022 წლის 6 ივნისის №01/174994 მოხსენებითი ბარათის საფუძველზე ვდებთ ხელშეკრულებას შემდეგზე:

1. ხელშეკრულების საგანი

- 1.1 ხელშეკრულების საგანს წარმოადგენს ბრალდებულთათვის/მსჯავრდებულთათვის ფარმაცევტული პროდუქტების შესყიდვა (CPV კოდი: 33600000 – ფარმაცევტული პროდუქტები).

2. შესყიდვის ობიექტი

- 2.1 შესყიდვის ობიექტია ფარმაცევტული პროდუქტები (შემდგომში საქონელი).

3. ხელშეკრულების საერთო ღირებულება

- 3.1 ხელშეკრულების საერთო ღირებულება შეადგენს **5735.48 ლარს** (ხუთი ათას შვიდას ოცდათხუთმეტი ლარი და 48 თეთრი).
- 3.2 ხელშეკრულების 3.1. ქვეპუნქტში აღნიშნულ ფასში შედის საქართველოს კანონმდებლობით გათვალისწინებული ყველა შესაბამისი მოსაკრებელი და გადასახადი.

4. საქონლის ხარისხი და გარანტია

- 4.1 მიმწოდებელი იძლევა გარანტიას, რომელიც მიაწოდებს ხარისხიან საქონელს, რომელიც არ იქნება დაგასული და უფლებრივად და ნივთობრივად ნაკლის მქონე.
- 4.2 მიმწოდებელი იძლევა გარანტიას, რომ მიწოდებულ საქონელზე ვარგისიანობის ვადა მისი მიღება-ჩაბარების აქტის გაფორმების თარიღიდან იქნება არანაკლებ 12 (თორმეტი) თვე.
- 4.3 შესყიდვის ობიექტის ხარისხი, აღწერილობა, რაოდენობა, ერთეულის ფასი მოცემულია დანართი N1-ში, რაც წარმოადგენს ხელშეკრულების განუყოფელ ნაწილს.

5. საქონლის მიწოდების ვადები და ადგილი

- 5.1 საქონლის მიწოდება განხორციელდება ხელშეკრულების გაფორმების შემდგომ 2 (ორი) სამუშაო დღის ვადაში (2022 წლის 14 ივნისის ჩათვლით).
- 5.2 საქონლის მიწოდების ადგილები განსაზღვრულია ხელშეკრულების დანართი N2-ით.

6. საქონლის მიღება-ჩაბარების წესი

- 6.1 საქონლის მიღება დადასტურდება საქონელი ზედნადებში აღწერილი საქონლის მიღებაზე გაფორმებული ორმხრივად ხელმოწერილი მიღება- ჩაბარების აქტის საფუძველზე, რომლის ხელმოწერამდე ყველა ქონებრივი უფლება საქონელზე ეკუთვნის მიმწოდებელს, რომელიც პასუხიმგებელია შესაძლო რისკებზე – საქონლის შემთხვევით (მთლიანად ან ნაწილობრივ) გაფუჭებაზე ან რაიმე ზიანზე. ზემოაღნიშნული დოკუმენტაციის გაფორმების და საქონლის გადაცემის მომენტიდან აღნიშნული უფლებები და რისკები გადადის შესყიდვებზე.
- 6.2 შესყიდველის მხრიდან საქონლის მიღებაზე მიღება-ჩაბარების აქტს ხელს აპეციალური პენიტენციური სამსახურის ეკონომიკური დეპარტამენტის მომარაგების სამმართველოს სამედიცინო

ლოჯისტიკის მენეჯერი ლევან ზოზირაშვილი ან/და მის მიერ უფლებამოსილი პირი, ხოლო მიმწოდებლის მხრიდან -გენერალური დირექტორი ან/და მის მიერ უფლებამოსილი პირი.

7. ანგარიშსწორების პირობები

- 7.1 მიმწოდებელთან ანგარიშსწორება განხორციელდება ეროვნულ ვალუტაში.
- 7.2 ხელშეკრულებით განსაზღვრული საქონლის ღირებულების ანაზღაურება მოხდება უნაღდო ანგარიშსწორების ფორმით.
- 7.3 დაფინანსების წყარო: **2022 წლის სახელმწიფო ბიუჯეტი**.
- 7.4 ანგარიშსწორების განხორციელებისათვის მიმწოდებელმა უნდა წარმოადგინოს ხელშეკრულების 6.1. ქვეპუნქტით განსაზღვრული დოკუმენტაციის წარდგენიდან არაუგვიანეს 30 (ოცდაათი) კალენდარული დღის ვადაში
- 7.5 ანგარიშსწორება შემსყიდველის მიერ მოხდება მიმწოდებლის მიერ ამ ხელშეკრულების 6.1. ქვეპუნქტით განსაზღვრული დოკუმენტაციის წარდგენიდან არაუგვიანეს 30 (ოცდაათი) კალენდარული დღის ვადაში
- 7.6 წინასწარი ანგარიშსწორება არ გამოიყენება.
- 7.7 მიმწოდებელმა ანგარიშსწორების განხორციელებისათვის 6.1 ქვეპუნქტში მითითებული დოკუმენტაცია თუ არ წარუდგინა შემსყიდველს საქონლის მიწოდების დამთავრების დღიდან 3(სამი)თვის განმავლობაში, მიმწოდებელი 3(სამი) თვის გასვლის შემდეგ კარგავს მიწოდებულ საქონელზე თანხის მოთხოვნის უფლებას.

8. მხარეთა უფლება-მოვალეობანი

- 8.1 შემსყიდველს უფლება აქვს:
შეამოწმოს მიწოდებული საქონლის ხარისხი, რაოდენობა, ერთეულის ფასი, როგორც საქონლის მიწოდების დროს, ისე ამ ხელშეკრულების მოქმედების პერიოდში ნებისმიერ დროს.
- 8.2 შემსყიდველი ვალდებულია:
 - ა) მოახდინოს ანგარიშსწორება მიმწოდებელთან ხელშეკრულებით გათვალისწინებული პირობების შესაბამისად;
 - ბ) უზრუნველყოს საქონლის მიღება;
 - გ) უზრუნველყოს საქონლის შენახვა მწარმოებლის მიერ დადგენილი ნორმების დაცვით.
- 8.3 მიმწოდებელს უფლება აქვს:
 - ა) მოსთხოვოს შემსყიდველს მიწოდებული საქონლის ღირებულების ანაზღაურება ხელშეკრულებით გათვალისწინებული პირობებით.
- 8.4 მიმწოდებელი ვალდებულია:
 - ა) მიაწოდოს შემსყიდველს ხელშეკრულების დანართი N1-ში გათვალისწინებული საქონელი;
 - ბ) დაიცვას ხელშეკრულებით და დანართი N1-ით და N2-ით გათვალისწინებული ყველა პირობა;
 - გ) ხელშეკრულების შესრულების პროცესში წამოჭრილ გაუთვალისწინებელ ხელშემშლელ გარემოებებთან დაკავშირებით, დაუყოვნებლივ გაუგზავნოს შემსყიდველს წერილობითი შეტყობინება შეფერხების ფაქტის, მისი შესაძლო ხანგძლივობის და გამომწვევი მიზეზების შესახებ.

9. მხარეთა პასუხისმგებლობა ხელშეკრულების დარღვევისას

- 9.1 ხელშეკრულებით ნაკისრი პირობების არაჯეროვანი შესრულების შემთხვევაში, დამრღვევ მხარეს ეკისრება პირგასამტებლო ხელშეკრულების საერთო ღირებულების 5%-ის ოდენობით.
- 9.2 უხარისხო ან/და ვადაგასული საქონლის მიწოდების შემთხვევაში, მიმწოდებელი ვალდებულია შეტყობინებისთანავე გამოასწოროს წუნი, წინააღმდეგ შემთხვევაში, მიმწოდებელს ეკისრება პირგასამტებლო ხელშეკრულების საერთოლირებულების 0,02%-ის ოდენობით.
- 9.3 საქონლის მიწოდების ვადის გადაცილების შემთხვევაში, მიმწოდებელს ეკისრება პირგასამტებლო ყოველ ვადაგადაცილებულ დღეზე ხელშეკრულების საერთო ღირებულების 0,02%-ის ოდენობით.
- 9.4 მიმწოდებლის მხრიდან ხელშეკრულებით ნაკისრი ვალდებულებების შეუსრულებლობის შემთხვევაში, მიმწოდებელს ეკისრება პირგასამტებლო ხელშეკრულების საერთო ღირებულების 10%-ის ოდენობით.

10. ხელშეკრულების მოქმედების ვადა

- 10.1 ხელშეკრულების მოქმედების ვადა განისაზღვრება მხარეთა შორის წარმოშობილ სამართლებრივ ურთიერთობებზე ხელშეკრულების თავში მითითებული თარიღიდან და ძალაშია **2022 წლის 30 სექტემბრის ჩათვლით.**

11. ხელშეკრულების პირობების გადასინჯვა და ცელილებების შეტანა

- 11.1 წინამდებარე ხელშეკრულების პირობების შეცვლა დაუშვებელია, თუ ამ ცელილების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.
- 11.2 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.
- 11.3 ხელშეკრულების დამდებ არც ერთ მხარეს არა აქვს უფლება ცალმხრივად შეცვალოს ხელშეკრულების პირობები.
- 11.4 ხელშეკრულებაში წესისმიერი ცელილება დაიშვება მხოლოდ მხარეთა წერილობითი შეთანხმებით.
- 11.5 წინასწარ გაუთვალისწინებელი მიზეზების გამო თუ წარმოიშობა ხელშეკრულების პირობების შეცვლის აუცილებლობა, ცელილებების შეტანის ინიციატორი ვალდებულია წერილობით შეატყობინოს მეორე მხარეს წესისმიერი ინფორმაცია ცელილების შესახებ და ცელილება ხელშეკრულებაში შეტანილად ჩაითვლება მეორე მხარის მიერ ცელილებაზე ხელმოწერის შემდგომ.
- 11.6 ხელშეკრულებაში წესისმიერი ცელილება უნდა გაფორმდეს „შეთანხმების“ სახით, რომელიც ჩაითვლება ხელშეკრულების განუყოფელ ნაწილად.

12. დაუძლეველი ძალა (ფორს-მაჟორი)

- 12.1 მხარეები არ არიან პასუხისმგებელნი თავიანთი ვალდებულების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებებით, როგორიცაა წყალდიდობა, ხანძარი, მიწისმვრა და სხვა სტიქიური მოვლენები, აგრეთვე ომები და საომარი მოქმედებები, საქონლის ან/და მომსახურების მიწოდებაზე ემბარგოს დაწესება, საბიუჯეტო ასიგნებების მკვეთრი შემცრება, თუ ისინი უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწევს შესაბამისი დროით, გარემოებათა დასრულების შემდეგ.
- 12.2 ფორს-მაჟორული გარემოებების დადგომის შემთხვევაში, ხელშეკრულების მხარემ, რომლისთვისაც შეუძლებელი ხდება ნაკისრი ვალდებულებების შესრულება, პირველი შესაძლებლობისთანავე უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებებისაგან.
- 12.3 თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა 12.1 ქვეპუნქტიდან გამომდინარე სამ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.
- 12.4 ფორს-მაჟორული გარემოების არსებობა დადასტურებული უნდა იყოს საამისოდ უფლებამოსილი სახელმწიფო ორგანოს/ორგანოების მიერ.

13. ხელშეკრულების ინსპექტირების პირობები

- 13.1 შესყიდვის ობიექტის სრულად მიწოდების შემდეგ (ან მიწოდების პარალელურად) შემსყიდველი უფლებამოსილია განახორციელოს ინსპექტირება და წარმოადგინოს ინსპექტირების აქტი.
- 13.2 ინსპექტირების აქტში მითითებული უნდა იყოს შესყიდვის ობიექტის დასახელება, რაოდენობა, განზომილება და აღმოჩენილი ნაკლი (იმ შემთხვევაში თუ ნაკლი ვიზუალურად თვალსაჩინოა).

- 13.3 ვიზუალური დათვალიერების დროს, თვალსაჩინო ნაკლის აღმოჩენის ან/და უხარისხო საქონლის მიწოდების შემთხვევაში, შემსყიდველი ვალდებულია დაუყოვნებლივ აცნობოს მიმწოდებელს აღმოჩენილი ნაკლის შესახებ და მოითხოვოს მიმწოდებლის ხარჯებით მისი გამოსწორება.
- 13.4 ინსპექტირების აქტის საფუძველზე, საჭიროების შემთხვევაში, ჩატარდება მოწოდებული საქონლის ექსპერტიზა.
- 13.5 გამოვლენილი ნაკლის აღმოფხვრასთან და ხელახალ ინსპექტირებასთან (ექსპერტიზის დანიშნვასთან) დაკავშირებული ხარჯების ანაზღაურება ეკისრება მიმწოდებელს.
- 13.6 შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია ჩაატაროს ხარისხის კონტროლი და თუ აღმოჩნდება უხარისხო საქონელი, მიმწოდებელი ვალდებულია შეტყობინებისთანავე გამოასწოროს წუნი, ან თუ წუნის გამოასწორება შეუძლებელია და შემსყიდველს უკვე გადახდილი აქვს საქონლის ღირებულება, დაუბრუნოს შემსყიდველს აღნიშნული საქონლის ღირებულება;
- 13.7 შემსყიდველის მხრიდან ხელშეკრულების შესრულების კონტროლს განახორციელებს სპეციალური პენიტენციური სამსახურის ეკონომიკური დეპარტამენტის მომარაგების სამმართველოს სამედიცინო ლოჯისტიკის მენეჯერი ლევან ზოზირაშვილი.

14. ხელშეკრულების შეწყვეტა

- 14.1 შემსყიდველი უფლებამოსილია მთლიანად ან ნაწილობრივ შეწყვიტოს ხელშეკრულება მიმწოდებლისათვის წერილობითი შეტყობინების შემდეგ იმ შემთხვევებში, თუ:
- ა) მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება;
 - ბ) შემსყიდველისათვის ცნობილი გახდა, რომ მიმწოდებელი ვერ უზრუნველყოფს ხელშეკრულებით ნაკისრი ვალდებულებების შესრულებას;
 - გ) მიმწოდებელი ხელშეკრულებით გათვალისწინებული პირობების დარღვევისათვის ხელშეკრულების მოქმედების პერიოდში დაჯარიმებულ იქნა სამჯერ;
 - დ) მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არშეუძლია მთლიანად ან ნაწილობრივ ხელშეკრულებით ნაკისრი ვალდებულების შესრულება;
 - ე) ხელშეკრულების ვადის გასვლის საფუძველზე;
 - ვ) ურთიერთშეთანხმების საფუძველზე.
- 14.2 ხელშეკრულების ცალკეული პირობების შეწყვეტა არ ათავისუფლებს მიმწოდებელს ხელშეკრულებით ნაკისრი სხვა ვალდებულების შესრულებისაგან.

15. დავები და მათი გადაწყვეტის წესი

- 15.1 ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.
- 15.2 შეთანხმების მიუღწევლობის შემთხვევაში, მხარეები მიმართავენ საქართველოს სასამართლოს მოქმედი კანონმდებლობის შესაბამისად.

16. სხვა პირობები

- 16.1 მხარეები აუნაზღაურებენ ერთმანეთს მიყენებულ ზარალს საქართველოს კანონმდებლობის შესაბამისად.
- 16.2 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.
- 16.3 მესამე პირთა ურთიერთობაში მხარეები მოქმედებენ თავიანთი სახელით, ხარჯებითა და რისკით.
- 16.4 ამ ხელშეკრულებით გაუთვალისწინებელი საკითხები განისაზღვრება მოქმედი კანონმდებლობის მოთხოვნათა შესაბამისად.
- 16.5 ხელშეკრულება შედგენილია ქართულ ენაზე ელექტრონულად, ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

16.6 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის იქნება წერილობითი ფორმით შედგენილი და ხელმოწერილი მხარეთა მიერ.

17. მხარეთა რეკვიზიტები

შემსყიდველი	მიმწოდებელი
<p>საქართველოს იუსტიციის სამინისტროს მმართველობის სფეროში მოქმედი სახელმწიფო საქვეუწყებო დაწესებულება-სპეციალური პენიტენციური სამსახური</p> <p>მის: ქ. თბილისი, ზურაბ ანჯაფარიძის N27, საიდენტიფიკაციო კოდი: 205360223, სახელმწიფო სახაზინო კოდი: TRESGE22, ა/ა GE24NB 0330 1002 0016 5022</p> <p>ეკონომიკური დეპარტამენტის უფროსი</p>	<p>შპს „ავერსი-ფარმა“</p> <p>მის: ქ. თბილისი დავით აღმაშენებლის გამზ. N148</p> <p>საიდენტიფიკაციო კოდი: 211386695, საბანკო რეკვიზიტები: სს „საქართველოს ბანკი“, ბანკის კოდი: BAGAGE22, IBAN: GE06BG0000000122932100</p> <p>გენერალური დირექტორი</p>
/იულია ტყეშელაშვილი/	/ირაკლი ფურცელაძე/

ფასების ცხრილი

N	CPV კოდი	დასახელება/შეფუტვის სახეობა	განზომილება	რაოდენობა	ერთეულის ფასი (ლარი)	საერთო ფასი (ლარი)
1	33690000	ცაინფ-ომეგა 3 1000მგ #140კაფს	კოლოფი	84	50.25	4221.00
2	33690000	ასპირინი 0.5გ #10ტ (ბელ)	კოლოფი	100	0.26	26.00
3	33690000	ამბროქსოლი 30მგ #20ტ (უკრაინა)	კოლოფი	220	1.14	250.80
4	33690000	ეუფილინი 0.15გ #30ტ (ბელორ)	კოლოფი	11	0.65	7.15
5	33690000	ვამოქსინი 500მგ #14ტ	კოლოფი	36	26.85	966.60
6	33690000	ლევოკომი 25მგ/250მგ #100ტ	კოლოფი	1	50.60	50.60
7	33690000	დოფამინი 4% 5მლ #10ა (დარნიცა)	კოლოფი	1	42.61	42.61
8	33690000	მეტრონიდაზოლი 250მგ #10ტ(ბელ)	კოლოფი	404	0.32	129.28
9	33690000	პრედნიზოლონი 5მგ #40ტ(დარნ)	კოლოფი	14	2.96	41.44
სულ ჯამი:						5735.48

საქონლის მიწოდების ვადები, ადგილი და პირობები

1. მისაწოდებელი საქონელი უნდა აკმაყოფილებდეს დანართი N1-ში მოცემულ მახასიათებლებს;
2. მიმწოდებელი ვალდებულია გადასცეს შემსყიდველს უფლებრივად და ნივთობრივად უნაკლო და ახალი საქონელი.
3. საქონლის მიწოდება განხორცილდება ხელშეკრულების გაფორმების შემდგომ 2 (ორი) სამუშაო დღის ვადაში, შემდეგ მისამართებზე:

1	ქ. თბილისი, ზ. ანჯაფარიძის ქ. N27
2	№2 დაწესებულება - ქ. ქუთაისი, ხარებავას ქუჩა, ბოლო მონაკვეთი
3	№3 დაწესებულება - ქ. ბათუმი, თევდორე მღვდლის №3
4	№5 დაწესებულება - გარდაბნის მუნიციპალიტეტი, სოფ. მთისმირი
5	№6 დაწესებულება - გარდაბნის მუნიციპალიტეტი, სოფ. ციხისმირი
6	№8 დაწესებულება - ქ. თბილისი, გლდანის მე-7 მ/რ, მე-2 კმ - ქ. თბილისი, აბუსერიმე-ტბელის ქ. №11
7	№10 დაწესებულება - მცხეთის მუნიციპალიტეტი, სოფელი ქსანი
8	№11 დაწესებულება - ქ. თბილისი, გრ. ხანძთელის ქ. №3
9	№12 დაწესებულება - ქ. რუსთავი, მშენებელთა ქ. №60
10	№14 დაწესებულება - ქ. წყალტუბო, სოფელი გველთის საკრებულო
11	№15 დაწესებულება - მცხეთის მუნიციპალიტეტი, სოფელი ქსანი
12	№16 დაწესებულება - ქ. რუსთავი, მშენებელთა ქ. №60
13	№17 დაწესებულება - ქ. რუსთავი, მშენებელთა ქ. № 64
14	№18 დაწესებულება - ქ. თბილისი, გლდანის მე-7 მ/რ, მე-2 კმ - მცხეთის მუნიციპალიტეტი, სოფელი ქსანი



KA010169261829222

№01/174994

06 / ივნისი / 2022 წ.

სპეციალური პენიტენციური სამსახურის
გენერალურ დირექტორს
ბატონ ნიკა ცხვარაშვილს

სპეციალური პენიტენციური სამსახურის
ეკონომიკური დეპარტამენტის უფროსის
იულია ტყეშელაშვილის

მოხსენებითი ბარათი

ბატონო ნიკა,

მოგახსენებთ, რომ პენიტენციური დაწესებულებების საექიმო სამედიცინო პუნქტებისა და სამკურნალო დაწესებულებების მოთხოვნების შესაბამისად დანართში მითითებული მედიკამენტების მარაგი ამოწურულია. აღნიშნული ჩამონათვალი არის ბაზისური მედიკამენტების ნუსხიდან, რომლებზეც გამოცხადებული იყო კონსოლიდირებული ტენდერი CON220000198 რომელიც არ შედგა, ასევე კონსოლიდირებული ტენდერები CON220000197, CON220000217 და CON220000221 რომლებიც დამთავრდა უარყოფითი შედეგით.

კონსოლიდირებული ტენდერები ნომრით CON210000633, CON210000662, CON210000726, CON220000102 და CON220000151 გამარჯვებული გამოვლენილია, რომლებშიც სპეციალური პენიტენციური სამსახურის საჭირო რაოდენობები არ არის გათვალისწინებული. გამარჯვებულ კომპანიებთან დაბუსტდა ინფორმაცია რამდენად შეძლებდნენ გაეფორმებინათ ერთჯერადი ხელშეკრულებები ჩვენთვის საჭირო მედიკამენტების რაოდენობებზე. ელექტრონული ფოსტის მეშვეობით მიღებულ ინფორმაციაში აღნიშნულია უარი ერთჯერადად ხელშეკრულების გაფორმების თაობაზე (იხ. დანართ). ეკონომიკური დეპარტამენტის მომარაგების სამმართველოს მიერ ფარმაცევტულ ბაზარზე დღეისათვის არსებული ფასების მოძიების მიზნით განხორციელდა ფასთა კვლევა, რომლის ფარგლებშიც წარმოდგენილ იქნა შემოთავაზებები: შ.პ.ს. „ავერსი-ფარმა“-ს, ს.ს. „გეფა“-ს და შ.პ.ს. „პსპ ფარმა“-ს მიერ, რომლებშიც მითითებულია ჩვენს მიერ მოთხოვნილი მედიკამენტების ერთეულის ფასები.

გთხოვთ, დაგვრთოთ ნება დანართში მითითებულ მედიკამენტების თვენახევრის მარაგის გადაუდებლად შესყიდვაზე.

დანართი: შ.პ.ს. „ავერსი-ფარმა“ს შემოთავაზება
შ.პ.ს. „პსპ ფარმა“ს შემოთავაზება
ს.ს. „გეფა“ს შემოთავაზება
შემოთავაზებების შედარებითი ცხრილი
შ.პ.ს. „პსპ ფარმა“ს პასუხი - უარი (მეილი)
შ.პ.ს. „ავერსი ფარმა“ს პასუხი - უარი (მეილი)
ს.ს. „გეფა“ს პასუხი - უარი (მეილი)

პატივისცემით,

ეკონომიკური დეპარტამენტის უფროსი

სელმონერილია/
შტამპდასმულია
ელექტრონულად

იულია ტყეშელაშვილი